



МКОУ

"Эндирейская сош №2 им.Алиханова А.А."

# Доклад:

"Адабият дарсларда  
сёзлюк ишни  
юрютеген къайдалар."

Онгаргъан: Тамаева Б. А.

## Адабият дарсларда сезлюк ишни юрютеген кьайдалар.

Охувчуланы сезлюгюн генглешидирмекни уьстюнде ишлев оланы англавун генглешидирмеге кемек эте. О саялы да, сезлюкню уьстюнде ишлевню охувчуланы тарбиялавда ва олагьа мугькам билимлер баривде бек уллу агьамияты бар. Тилни аслу сезлюк фонду хыйлы заманлар алышынмай, амма сезлюк тизими буса даим алышына. Охувчуланы сезлюгюню уьстюнде ишлев мактапны бары да класларында планлы ва системалы кюйде оьтгерилмеге герек.

Охувчуланы сез жыйымы ярлы бола. Класда яшлар булан ишлейген муаллимге ишни планлы кюйде толумлашдырмагьа ва генглешидирмеге бажарыла, кебюсю гьалда охувчулар оьзлер кьоллайгьан бир тайпа сезлени маъналарын тюз англамай, муна шуну учун да охув дарсларда муаллим охувчулар билеген сезлени маъналарына гере дурус англайгьан этмек муратда чалышма тюше. Охувчу билеген сезлени сейлевде ва язывда тюз кюйде кьоллап бажармагьа герекни унутма тюшмей. Практикада арагьа чыгьагьаны йимик кебюсю гьалда охувчулар оьзлер билеген сезлени тилде дурус кьолламагьа болмайгьаны герюне.

Бизин адабият дарсларда гечеген асарлар гьатта оьзюбюзге де англама кьыйын тюшеген сезлер бары саялы, сезлюк иш инг агьамиятлы ерни тута. Сезлюк ишни уьстюнде дарсгьа баргьанчагьа хыйлы иш этиле. Бизге тюшген шу сезлюк («Къумукъ тилни маънадаш сезлери» - Ибадулла Гьажиев-2003 й.) ишибизде кеп кемек эте. Сезню маънасы гьар асарда башгьа берилип кьалмагьа бола. О сезню таъсирли гючюн асарны маънасындан автор бизге не айтма сюегенин гезден гечирме герекбиз.

Бир-бир сезлени яшлар оьзлени сейлевюнде кьолламагьа болмай кьала. Буланы тергевге алгьанда муаллим болгьан чакьы охувчуланы сезлюгюн активлешидирмеге герек. Охувчуланы тилине тазалыгьы учун

ябушув, демек, охувчуланы тилин тарыкъсыз сезлерден тазалав. Олай да адабият тилде къолланмайгъан ерли тиллени тайдырив бола.

Охувчуланы сезлюгюню уьстюнде ишлев тил дарсланы бары да белюклеринде охума ва язма уьйретегенде: охув ва грамматика (тиллерде) дарсларда оьтгериле.

Охувчуланы сезлюгюн бай этмек учун чебер материалланы охумакъны бек уллу агъамияты бар. Охув дарслардагъы сезлюк иш текстни охугъанча да охугъан сонг да оьтгериле. Муаллим яшны хабарына дарсда уьйренген янгы сезлени къошмакъны ондан талап этме тюше. Янгы сезлени беклешдирмек янгыз шону булан битип къалмай. Охувчу янгы уьйренген сезлени оьзлени сезлюгюне язып да алма тарыкъ. Гележек дарсларда муаллим янгыдан о сезлеге дагъы да къайтып, оланы такрарлатып, шо сезлерден англагъанын беклешдире. Шолай да охувчуланы сезлюгюн бай этмек учун айры-айры предметлени, суратланы, яда маъналы суратлагъа къарамакъны да кеп уллу пайдасы барны унутма тюшмей. Яш оьзюню оюн язагъанда (изложениеде) темагъа къыйышывлу оьзбашына сезлер тапмакъ охувчуланы сезлюгюн генглешдирмек деген масъала янгыз ана тил дарсларда гечилип къалмай, шолай да башгъа дарсланы гечеген заманда яшлар янгы сезлени тюз кюйде къолламагъа охувчуланы уьйретмек учун, шо сезлени уьстюнде олар гъар гюн дегенлей ишлетме тюше. Авуз ва языв тилни тюз къурулмагъыны биринчи шарты-айтылынагъан сезде, охувчуланы жавабында, демек, ол алгъан билимге байлавлу далилер болмакъдыр.

Шо гъар етишмек учун, муаллим предметни терен билип сейлемекни охувчудан талап этме борчлу бола. Охувчуланы авуз тилин оьсдюрювде текстни маънасын англамакъ учун этилеген ишлер бек агъамиятлы бола. Маъна аслу агъамияны бере буса да маънаны, ойну алмагъа геливию сезлерсиз бажарылмай. Шо саялы да сезню уьстюнде ишлевге экинчи даражалы ишге йимик янашмакъ янгылыш болур эди. Авуз тилни

маданиятыны (культурасыны) экинчи шарты-охувчуланы тилини байлыгыны (лексикасын) - сөз хазнасын байлашдырмакь ва мекенлешдирмек. Тилни оьсдюрювге байлавлу охув дарсларда юрюлеген ишлер яшавну кеп тюрлю якьларын англатагьан сезлени генг кюйде бере. Охув дарсларда охувчу адамны, табиятны, суратламакь учун гьар заман пайдаланып турагьан, охувчулагьа яшавну гьалларын англама кёмек этеген маьнадаш, кьаршыдаш, аваздаш йимик чебер келпетлер яратма имканлыкь береген кьуралланы кьоллап да охувчуланы сөз хазнасын бай эте.

Халкьны чебер айтывлары,язывчуланы ва шаирлени итти ва гьакьыллы кьысгьа сезлери охувчуланы эсинде кьалмагьа, оланы сөз байлыгына гирмеге тюше. Олар яшлагьа яшавгьа оьз англаву булан кьарамагьа кемек эте. Шо муратгьа етмек учун да айтывланы кьошуп, охувчулагьа жумлалар тиздирмек, гиччи хабарлар яздырма да ярай. Шолай ишлер охувчуланы дарслагьа иштагьлыгьын артдыра.

Охувчуну янгылыш айтагьан сёзюн тюзлемек учун, муаллим шо сёзню тюз айтылышын англамагьа герек, сонг оьзю уьлгю кюйде айтып, охувчугьа такрарлатса, яхшы болур. Янгы сёзлени англатывда кьолланагьан аслу методика кьайдалар:

а) сёзню аянлыкь материаллар булан предметлени яда суратланы гёрсетип англатмакь;

б) шо сёзню маьнасына ювукь башгьа сөз - маьнадаш булан англатыв, шолай янгы сёзлени охугьанча алда, охуйгьанда, охугьан сонг англата.

Текстни маьнасы, темасы булан байлавлу, текстни англамагьа кёмек этеген сёзлер текст охулгьанча алда англатылмагьа тарыкь.Бары да текстдеги сёзлер яшлагьа англашылгьанын бирдагьы тергеп кьарап, айры-айры охувчулагьа англашылмайгьан сёзлени токьташдыртып , шоланы уьстюнде де токьтама герек. Текстде башгьа маьнада, гёчюм кьалипде кьоллангьан буса, сөз тагьымлар буса , шо сёзлени англашылмайгьаны бар буса англатма

түше. Англашылмайган сөзлени англатган сонг, шо сөзлер булан авуздан яшлагъа тюлю- тюрлю жумлалар тиздирип къарамакъны пайдасы бар. Англашылмайган сөзлени англатьв яшав булан байлавлу болмагъа герек, демек, гъар сөз къайсы предметни англатагъанны, о негер къолланагъанны яш билсе, суратда, яда предметни обзор гөрсе, шо сөзню англавгъа яшгъа кеп кеме болур, шотай англашылган сөз де яшны оюнда унутулмайган кюйде сакъланыр.

Тектдеги англашылмайган сөзлени уьстюнде ишлевде, сөзню язып туврасына маънасын да язып кюймакъ таманлыкъ этмей. Шо саялы да бизге англатьвланы шулай тюрлюлери бола:

а) къолгъа тутуп гелтирип болагъан предметлени, озлени гелтирип болмайганларыны суратларын да ва олар кютеген ишлени де айтып, шолар этеген ишлер булан жумлалар тиздирип тапшурувлар этдирсе, яшлар яхшы тююнор. Яшланы билимлеринде сөзлюк иш , шо сөзлюклени яшлар тюз кюйде англавлу, муаллимлени шо ишни уьстюнде ялкъмай ишлевию герекли болагъанын унутма тюшмей .